



UNIVERSITÄTS-
BIBLIOTHEK
PADERBORN

Provincia Baetica.

[urn:nbn:de:hbz:466:1-68715](https://nbn-resolving.org/urn:nbn:de:hbz:466:1-68715)

PROVINCIA
BAETICA.



LABORARVNT in Baetica, priore anno, focij quadringenti triginta quinque: posteriore, supra hunc numerum, decem. Hispali, in Professorum Domo, octonifere & quinquageni. in Collegio, primo anno, vnde sexaginta, altero, sexaginta sex. totidem in Cordubensi: primo enim anno sexaginta octo. in Granatensi sexaginta vnus, secundo anno, detracti ex hoc numero decem, in Montellano, anno priore, duodequingenta, posteriore, septuaginta. in Baezzano viginti septem, deinde vnde viginti. in Malacensi viginti, & viginti sex. viginti tres in Xerensi, mox sedecim. in Gaditano singuli viceni. duodeuiceni fere in Triguerensi. sedecim in Marcenensi, postea viginti. in Sede Astygitana, circiter deni. in Gazorlana quattuor, aut sex. in Vbedana, tres quattuorue. Venerunt in partem laboris, anno superiore, viginti: posteriore, plures altero tanto. Illo, quieuerunt decem: hoc, quindecim.

PRO-

656 PROVINCIA
PROFESSA DOMVS HISPAN-
lenfis.

QVO FAEDIOR prior annus agrotatione corporum, hoc utilior fuit animis opera nostrorum. Confitentium & communicantium in templo nostro frequentia summa: certe diebus festis, quia domestici sacerdotes non sunt satis, accersuntur de Collegio. Qui singulis hebdomadis Eucharistiae sacramentum suscipiant, haud pauciores sunt mille: diebus, qui maiorem habent venerationem, bina millia numerantur. ex hoc, atque e concione diebus festis nunquam intermissa, fructus permagnus. Restitutiones grandis alieni aëris multæ, & pacificationes factæ. Reconciliati præcipue optimates, quorum inimicitia civitati graviores, quo maiorem afferbant iacturam diuinarum rerum humanarumque multorum necesse impeditæ. ab infamiamore muliercularû, quibus cum diu iam vixerant, abducti non pauci. Sacerdotis nostri suam discesserat ab adultera quidam: is cum deinde reuocaretur ab ea missis epistolis, quas cruentis exararat notis vena exacta, monili item aureo gemisque magni pretii, omnia novus Christi amator contempsit. Vir nobilis, pridie quam e vita migraret, uxorem duxit non inferiori genere, cui insueuerat diu cum aliquo

aliquo famæ detrimento. hoc cum ægre filius
 ferret ad honorem omnia referens, moram-
 que inijcere nuptijs conaretur, factus patri so-
 cius est morbi, mortisque post tertium diem:
 agnouit tamen supplicium peccati, orauitque
 sacerdotē nostrum, vt pro se noueræ ac pro-
 pinquis suis omnibus satisfaceret. Nec vero
 vnus feminæ, sed familiarum etiam vniuersa-
 rum cōsulimus famæ. Addictus igni quidam
 erat improbus in sceleris pœnam: hic siue di-
 lationem supplicij quærens, siue solatium, pa-
 trati facinoris multos reos subdiderat e viris
 illustribus. sed vt ventum est ad rogam (quo-
 niam falsa amplius non proderant, & vera iu-
 uabant) nostris nempe admonentibus, omni-
 bus coram sua culpam aperuit: & qui fa-
 cta dixerat, iniustis criminationibus, quæ erāt
 infecta, quæ dicta olim fuerant, retractato in-
 dicio, fecit indicta. Nunc, quoniam hic sumus,
 quātum e publico carcere fructus colligatur,
 facilius est æstimatu, quā dictu. nam & vincti
 ferē innumeri; & plurimi ad supplicium agū-
 tur. ter inuisuntur hebdomada, & sæpe a sa-
 cerdotibus octonis. ita multa vtiliter dicta,
 prouisa, facta. igitur infames mulierculæ,
 quæ magno numero aduolabant, veluti mu-
 scæ ad multram, aditu prohibita. concubinæ
 detractæ. praua iurifurandi consuetudo su-
 blata. ne indulgentia custodum in vinctos,
 eosue qui admitti cuperent ad opem ferendā,

T t

ema-

ematur mercede, seuerè cautum: et quæstus ille carcerarius compressus. carcer vniversus celebri pompa, bis, anno posteriore, cælesti cõuiuio exceptus. id cum fit, adhibetur etiam sollemne epulum corpori reficiendo. Ceterum, est in hac vrbe Sodalitium virorũ Principum, Decurionumque in rem opemque eorum, qui in custodijs attinentur. in hoc opus symbola etiam a nostris confertur. deliguntur in singulas hebdomadas sodales certi negotio procurando. ex his vnus de suo contulit aureos amplius quingentos. collecti omnino mille ac ducenti vno anno: soluti homines septuaginta. data opera incidit absolutio in dies maxime sollemnes ad augendam venerationem. Neque interim deserta nosocomia, aut qui relicto Maumete ad Christum venere, neglecti. edocti frequenter suis in templis de rebus necessarijs Christianæ vitæ. Hæc propter, ac talia, nos diligit ciuitas, ac tuetur: & nobilissimus quisque nostrorum consilio in rebus arduis vtuntur. hinc tanta omnium liberalitas ad sustendendam domum, vt superfuerit quoque vnde centeni quotidie alerentur in summa annonæ caritate. Domus nostra strenue ædificatur: iamque ad commodam habitationem concinnata cubicula triginta, & aliquot officinæ. templum præterea exornatum. bibliotheca instructa. res familiaris non medio critèr aucta. quo liberius est a nostris excursum.

sum. Quattuor profectioes institutæ ad oppida propinqua. Arahali (nomen est oppidi) ad quadraginta dies versati sacerdotes duo: restitutus frequens vsus sacramentorum antea neglectus: dies noctesque audiendis confessionibus sæpe continuati, vt neque vigilia neque labore fatigarentur. qui a primis annis peccata memorarent, fuisse sexcenti. reliquorum numerum inire haud promptum. sed is spiritus confitentium, is sensus, vt lacrimæ confunderent audientem. non infimæ condicionis mulier vnici filij necem, respectu acerbissimæ mortis vnigenæ Dei, homicidis condonauit. Duo item sacerdotes dum obeunt Andeuali agrum, oppidaque lustrant quamplurima, sic vtiliter concionati sunt, vt postea opprimerentur multitudine peccata patefacientium. magna illic seges, ac materia laborum. montana enim regio ac siluestris: incolarum mira paupertas: nudis pedibus feminæ incedunt. cibus simplex: glande plurimum vescuntur: pane, vt in delicijs. hic victus nostrorum: quibus, & pro culcita, storea, pro cervicali, lignum. sed conciliabat defatigatio somnum. quamquam ex assiduo labore alter cum incidisset in morbum, ex itinere reuocatus. Nec minor opera, aut indiligentior fuit aliorum, qui alio missi: vt vna omnium fuerit sententia, vnus sermo, Dei nutu iniectam magistro nostræ Societatis mentem

tem præscribendarum excursionum priore anno, quo propter difficultatem temporum grauescentibus malis, Parochisque ægrotantibus, numquam alias populi maioribus remedijs aut auxilijs indigere visi. Quamquam, posteriore anno, Osnensium Ducis accersitu, duo sacerdotes in eius oppida missi sunt. confessiones pene innumerabiles: generales auditæ centum triginta. curatum, vt remitteret quidam iniuriæ ultionem, ac memoriam offensæ. tabernæ aleatoriæ duæ occlusæ. adita Xenodochia, & ergastula publica. pueri instituti. sublatis lasciuioribus cantiunculis pia carmina suffecta. Clerici instructi. Decuriones sui officij commoniti, ex his, tres cum expeterent Societatem, vnus delectus. concubina multis erepta. hæc & alia communia. Alij sacerdotes duo, rogatu Ducis Feriensum, profecti Zafram. Forte euenerat, vt paucis ante diebus, duo quidam, vsurpato magis Societatis habitu quam munere eo in oppido versati, oneri potius, quam fructui fuissent: itaque nostri, quasi eo de numero essent, fronte nubila excepti. sed breui, Dei beneficio & nostrorum virtute, effectum est, vt discerent oppidani, quid inter fucos, & apes interesset, peccata confessi plurimi. mulier ab infami lucro erepta. moriens vir vnus rem suam omnem, id est, annuos aureos quingenos Societatis Collegio destinauit. denique ex his sacerdotibus alterum,

rum, Dux ipse Feriensium Romam a Rege missus, vt apud Pontificem legatione fungeretur, adduxit .

COLLEGIUM HISPALENSE.

ABSOLVTVM tandem Gymnasium, anno posteriore, publica impensa. atrium habet centenos pedes in quadrum : porticus duplex: ambulationi superior, classibus inferior patet : hæ duodecim sunt : quarum duæ, vt sacro auditores omnes intersint, conuersæ in templum. Quarta eius pars iam incolitur a nostris, occupata cubiculis viginti septem. altera bibliothecâ explicat satis amplam. distribuentur reliquæ in cubicula quadraginta. hæc quasi adumbrata Gymnasij forma. Huc porro ex vetere commigrauimus, læta ciuitate. auxit celebritatem diei tragœdia sancti Hermenigildi, a quo & patrocinium vrbi, & nostro Collegio nomen : data est omnino apparatus magnifico ab adolescentibus adornatis quanto possent maximo cultu . contraxit eo (vt infinitam taceam plebem sine nomine) Cardinalem cum Clero vniuerso , Proregem magistratusque omnes publicos, & capita vrbis, non solum honor qui habebatur Societati, sed & studium spectaculi . inter medios actus, exodia plena ingenij & artis. ceterum ita placuit actio omnibus, vt fuerit reponenda. pro-

inde auctior numerus discipulorū: mille sunt. de eorum pietate in vniuersum sic habet: vno anno, triginta, in cœtus varios religiosorum: vndecim, in nostrum se cōtulisse. Vnius ex his longa & grauis pugna, eoque clarior victoria. non accipiebatur a Patre Prouinciali, nisi a matre (pater enim abest in India) eliceret assensum. et visus erat sibi eam exorasse: neque enim (an quod filium iocari crederet) vehementer repugnabat. sed vbi ad nos venit, ita asperata est mulier, vt præ iracundia, mentis impos videretur, igitur remittendus fuit: tū vero adhibiti muliebres questus & lacrimæ, irrito labore. nullius enim momenti fuere apud pectus diuino amore succensum. itaque post prælium duarum horarum victor discessit. obtinuit tamen mater, vt, quo dolorem moderatius ferret, antequā ad Tyrociniū proficisceretur, mensem in Collegio esset. quo interim tempore tentata quotidie adolescentis constantia pluribus argumentis, ac probata est. cum cessisset dies, mulier toties uicta, ut aliquid ipsa facere videretur, magno animo filium Deo obtulit. Idem certamen, ac triumphus similis alterius adolescentis fuit. Magnū ad pietatem incitamentum, in hoc quoque Collegio, Sodalitium Virginis. e quo in societatem octo, in alias religiosorum familias multo plures admissi. quantæ curæ sit patronæ ipsi hic clientium cœtus, hinc intelligas licet. In
eius-

eiusmodi Sodalitijs (quod neminē fugit) deligi-
 tur vnus, qui sit particeps, & conscius rerum
 omnium quæ decernuntur, easque litteris mā-
 det: ab arcanis dicitur. adolescens porro
 qui hoc munere fungebatur, duos hanc ad rem
 destinauerat calamos scriptorios insigni or-
 natu: etenim caules, detractis plumulis, aureo
 filo sericoque distinguebātur inuicem permix-
 tis: horum alterum surripuit vnus e sodali-
 bus iuuenili furto: cuius, etsi sæpe pulsabatur
 cogitatione animus, vt posthabitis rebus om-
 nibus se Deo consecraret in aliquo Cœnobio,
 præualente amore in mulierculam quamdam,
 aliud agebat. ad eam aliquando cum insti-
 tuisset scribere, ac furtiuum calamum sum-
 psisset manu, sensit sibi verberari os excussissi-
 ma palma: simulque vox ad aures: Etiamne
 sceleste, rem mihi dicatam temerare audes
 impuro ausu? Attonitus hac pronūtiatione ac
 verberare vt se collegit iuuenis, reuertit ad cal-
 culos, quos pæne abiecerat, vt amplecteretur
 institutū Franciscanæ religionis. mansit ad a-
 liquot dies memor nota plagæ acceptæ: vt ap-
 pareret, ab alia vi quadam maiore, quam ab
 humana, impactam. De Sodalitate Catechif-
 mi proxime aliquid attigimus. in quinque clas-
 ses tribuitur: singulæ magistrum suum habent
 vnum e nostris. præficitur omnibus Pater Di-
 dacus Gusmanius notæ senex probitatis. mi-

rum quantum eius sermonum suauitate pueri & imaguncularum munere capiantur, gratum vrbi procedentes sub Crucis vexillo conspicui quingentos. hac pompa certe sic delectatus est impudicus quidam casu obuiam factus, vt quod iter susceperat ad explendos turpes amores, ad templum ad detestationem scelerum conuerterit. At alius in hac schola assiduus, cum quattuor liberis die quodam dum huc tendit, inuitatus ab amicis ad alex lusum, filios præire iubens aleam prætulit doctrinæ Christianæ: nec defuit exemplum. inter ludendum enim (vt sæpe fit) orto iurgio, a collusoribus pugione confossus occubuit. hoc facto aliorum aucta diligentia est. Enituit omnium pietas, maxime vtrisque Bacchanalibus. quo enim tempore in lasciuiam effunditur populus, lectum incensit agmen per vias publicas: & vrbs (qua plurimum celebratur) elementis Christianæ religionis, ac diuinis cantibus personuit. Et fuit interea aliquis de nobis benemeritus. Clericus moriens rem familiarem omnem Collegio reliquit: exceptis mille aureis ac bibliotheca, quæ legauit Domui Professæ. alius vir nobilis quingentos aureos dedit ad libros emendos. florent enim, vt cum maxime, studia litterarum. mitto disciplinas ac disputationes seueriores, duobusque Philosophiæ doctoribus additum tertium. Rhetorû classis, quater

ter anno, eloquentiæ specimen dedit. ferijs
Christi natalitijs tota hebdomada dictæ ab il-
lis orationes, & carmina. ijdem, in principe
templo, auditi quadragies magno concursu.
soli ex omnibus abstulere præmia, quæ pone-
re Clerus certantibus solet. Verum is dies, qui
Eucharistiæ celebritati octauus est, veteri cõ-
suetudine ab vniuerso Gymnasio maxime fe-
stus agitur. Communicant omnes (mille-
iam sunt) & adornatur templum illustri appa-
ratu. Iam de excursionibus hoc tantum. Sacer-
dotes duo dies quindecim versati in oppido,
cui nomen a Fõtibus. concio, & doctrina Chri-
stiana fere quotidie. auditi quamplurimi: de
peccatis totius vitæ bene multi. Ceterum, an-
no priorẽ, decessit frater post multos annos in
Societate exactos. is fuerat olim in sæculo ni-
mium quæsitæ in victu vestitque elegantia:
at vltus est ipse sese; cum in valetudinario pu-
rulentam ægroti saniem collectam linteo, of-
firmatõ õtis pressu non dubitauit exugere: ite-
que cum nitidam vestem cum semilacera cu-
iusdam mendici ac sordida mutauit; nostro-
rum iussu: vt hoc esset veluti constantiz expe-
rimentum. Posteriore obiit duo, eodem mor-
bo: alterius conspectior mors, quod certas ob-
causas nostri edixerant facefferet Collegio,
ac res suas sibi haberet. quod vbi audiuit, ni-
hil mutato vultu respondit: uel inuitis illis, se
tamen vnum e Societate futurum: quoniam id
a Dei

a Dei matre impetrasset . nec frustrata illum spes . qui si viueret, abeundum sibi sciebat, vi- xit, vt numquam abiret .

COLLEGIVM CORDVBENSE.

DV M SAEVIT Cordubæ morbus ac do- mos exhaurit priore anno, audiendis æ- grotis, & adiuuandis morientibus nostrorum auctus labor, & conspecta magis industria est. quo minus fuit mirum, si dum bonum afferunt aliis, sibi malum accersunt. ægrotauerunt ple- rique, curatique certatim a valentibus sūma diligentia. ita eluxerunt officia caritatis, siue cum benigne facit indigentibus, siue cum susti- net aduersa. Erepti tamen sacerdotes duo, al- ter Grammaticam, Theologiam alter profes- sus: visus vterque aliquid prælagisse, cum pau- cis ante diebus secessum a rebus & colloquijs omnibus impetrarint in domiciliū Tyronum vt expolirent animam, & quasi præpararent ad mortem: quo latiores exirent, consecuta est Iubilei indulgentia. Iam (ut similia coniun- gantur) decessit, anno posteriore, Consalvus Ferdinandus, re ipsa magis ac volūtate, quam appellatione ac nomine, de numero nostrorū. seipsum iā nobis, & quantum habebat in bo- nis sponte obtulerat: septemdecim annos rei domesticæ operam dederat: castigationibus interim voluntarijs non solum exercens cor-
pus,

pus, sed p̄ne atterens: scilicet in hoc vnum
omnia vota coniungebat, vt noster esset: quod
& ei facile contigerat, nisi supremus morbus
mentem imminuisset. at nos, quod in nobis e-
rat, ei funus, perinde vt si e nostris fuisset (quā-
quam & supremo tempore sublucente inter-
uallo votū fecit) qua decebat pietate fecimus.
moritur & Didacus Mucnocius rara virtute
adolescens: et alter Consalvus familia Balen-
cia: cuius in Deo colendo, fruēdaq; assidua e-
ius familiaritate, paucos similes a se visos fuis-
se, multi affirmant. rerū quippe diuinarum cō-
gitatio, in quibus perpetuo defixus h̄rebat,
sic absorbebat hominem, vt inclusus licet cor-
pore, illic esse magis videretur, quo animum
intenderat. opes vero atque inania honoris ita
contempsit, vt maris eiectamenta diceret, qui-
bus pretium faciat æstimātium inscitia. Nem-
pe hoc sæculum mare esse: et genus omne hu-
manum rapida in occasum mortalitate euol-
ui. Etenim vt parentes nostri præterierunt, sic
& nos labimur, & posteri sequentur. Itaque,
veluti ex alto undarum iactus aliis atque aliis
supereuenientibus in extremo littore frangū-
tur, sic in terminum mortis succidua allidun-
tur ætates. Talis eius oratio erat: et ad h̄c re-
gulam vitæ directæ mors consentanea fuit.
Ac ne ij quidem, quibus valerudo integra, de-
fuerunt officio. Præmitto de pacatis ani-
mis, odijs extinctis, ære alieno reddito, atque
alijs

aliis id genus communibus. Adolefcens illam sibi ab altero iniuriam difsimulauit, mox etiam vno e nostris interprete remisit. idem fecit, anno posteriore, fcriba baculo percuffus. octingentorum aureorum summam debitor creditori offerebat inſcienti, & accipere recuſanti, quod in expenſi tabulis nō haberet. hinc pulchra & magni animi contentio: ea ſedata ab vno e nostris, vt diuiduum fieret, & diſtribuerētur in pauperes quadringenti aurei, tuo conſenſu. Iam quid repetam de ægrotantibus, cum ſit nemo, quin eo potiffimum tempore noſtrorum opera vti velit? præclare enim ſecum agi hac ratione quiſque exiſtimat, ſiue conſaneſcat, ſiue moriatur. Vnus ex hoc genere vocauit ſacerdotem: hic negat admiſſurum eius verba ad aures, niſi ipſe extrudat mulierculas duas captiuas, quæ duobus ipſius liberis pro concubinis erant: id enim iam diu percubuerat in vrbe. enimvero ægrotus grauate id principio tulit. deinde vt vidit rem ſuam agi, manumittit mulieres, et conuenienti cum dote amandat nuptui tradendas. tunc auditur a ſacerdote introducto. Pulchrum, quod ſequitur. Iacebat ægrotus attonitus, nullo iã vſu linguæ: marebat domus ſpe faciundæ cōfeſſionis adēpta. it noſter, non ſolū mutū, ſed & ſurdū offendit: neque enim ſalus vel nutu reddita. admonet afferri cibū: mox innuēti vt ſumeret, paruit qui iacebat. quod vbi proceſſit, facedere

cedere omnes e cubiculo iubet : ipse ac socius
ad Deum , vt commodet ei loquelam , genibus
flexis preces effundere . posthæc , vrgenti ho-
minem contenta voce vt responderet , cœpit
ille , quod non fecerat antea , verbis nutum ac
commodare ad expromēdos animi sensus : nec
multo post vox etiam reddita est , vt aperire
potuerit peccata , & testamētum condere , an-
tequã exiret e uita . Ac ne illud quidem tacen-
dum , persuasum vni , vxorem vt duceret , quam
pellicem habebat . Abundauit Gymnasium di-
scipulorum , numero , flore , pietate , diligentia .
Varijs religiosorum familijs nomina dedere
vno anno decem , Societati , quinque . At ex
Cōgregatione Dei genitricis cooptatus vnus :
in alia Cœnobia dimissi octo : nisi forte poste-
rior numerus a priore non erat lecernendus .
Schola doctrinæ Christianæ & cœtu & fructu
augetur in dies magis . conueniunt diebus fe-
stis omnibus , horis pomeridianis : erudiuntur
de rebus necessarijs , ac pijs : incitantur ad vir-
tutem . hinc nosocomium visitur , & ægrotor-
um corpora curantur : in quo sæpe tantum est
studij certamen , vt abluendarum lancium in
diem posterum quasi auctio fiat : vsque eo , vt
inuēti sint duo , qui hoc officium ternis aureis
emergarentur . id etsi in vno nosocomio atque
altero (nempe plenioribus) reliqua tamen non
negliguntur a nostris : quo exemplo incitati
nobiles . eorum præcipua cura , quos dira lues
infe-

infestat. Sed & carcer de more aditus, & liberati aliquot dissoluto ære. vnus præter ceteros sacerdos noster fert illis opem, qui admisere fraudem capitalem. Præclarum illud ac fructuosum nostrorum consilium. Festis diebus singulis mane, diuersi in plateas viasque vrbis celebriores abeunt, ac turbam inertem incuriosam Christiani muneris inuitant ad sacrum, quod fit certo in templo, ad tale auditorium opportuna concione interiecta. Aduentu quamquam & Quadragesima compitalitiæ conciones crebræ, & explicatio frequentior doctrinæ Christianæ. Vtile etiam & gratum vulgo, cum anno sæpius, quasi in pompa deducuntur pueri qui nobis dant operam, per urbem bini longo ordine modulate canentes, quæ scire opus Christiano: dein ad ædem nostram aucti numero reuertuntur. Excursum & ad oppida propinqua. Lucenæ (oppidum est illustre) omnes ferme de tota vita confessi. Baenæ paucis diebus media æstate pusilla quasi Quadragesima fuit. immutatos vidisses oppidanorum omnium animos, & fere faciem oppidi alteram, viæ quidem ipsæ nihil aliud sonabant, nisi cantiones pias. visi sunt nostri agrum illum, cum discederent, non in germine reliquisse, sed in fruge. Hac & similia non geruntur ad promerendam hominum beneuolentiam: sed tamen consequitur sua sponte. Anno priore legauit vnus aureos septingentos. Ca-
 noni-

nonicus nō exiguam pecuniam anniuersariæ
inter discipulos præmiorum distributioni ad
acuendam industriam Ianuario mense. quin
etiam Episcopus prægrâdem tabulam ad sum
mam aram templi suis sumptibus inchoatam,
moriens perfici imperavit, & ad nos afferri,
monumentum amoris. Anno posteriore nouus
Episcopus sua præsentia cohonestauit Gymna
sium: quo die Rhetoricæ professor orationem
habuit disertam in primis & elegantem: & de
dere discipuli fabulam sanequam venustam:
donati muneribus publice, qui ceteros doctri
na superassent. Posteriore anno, non modica
res ad facultatem domesticam accessit: aucto
que Gymnasio creuit utilis labor, & materia
laborandi.

GRANATENSE COLLEGIVM.

HIC QVOQVE, festis diebus matuti
nis, plebs otiosa ad rem diuinam compul
sa. Rudimenta fidei populo tradita: qui vt præ
uia puerorum modulatione ad audiendum, sic
deinde admonitu nostrorum ad confitendum
adductus est: vt multum sæpe nostris a sacer
dotibus in illo opere poneretur. Inuisit & Ar
chiepiscopus scholas, exceptusque oratione
Græca & Latina. Is omnem diœcesim perlustra
uit secundo anno, sociosque laboris, & consi
lij conscios, habere voluit duos e sacerdotibus
nostris:

nostris: hi, habendis concionibus, excipien-
dis confessionibus, corrigendis erroribus,
quantum profecerint, vix dici potest. Episco-
po item Guadixiensium flagitante, Guadixiū
sacerdotes totidem missi: quantum promoue-
rint, illud declarat, quod certatim pecuniam
conferre cœperunt Collegio faciendo. Regio
est prope Granatam asperrima & rerum om-
nium quibus humanus indiget vsus maxime
inops: efferavit quoque ingenia incolarum.
eo sacerdotes duo profecti, dies quinque &
quadraginta in septemdecim oppidis posue-
re, laboriosos sibi, oppidanis frugiferos, expia-
runt confessione animos vniuersi. quampluri-
mi deterferunt labes totius vitæ. Factum hoc
pariter a multis in vrbe, vbi & alia officia præ-
stitimus. Adeuntur vincti, & absoluuntur a
peccatis. firmantur docenturque qui aguntur
ad supplicium. Maurus vnus, sub ipsum tan-
dem patibulum, Maumetem deseruit, & sa-
lutari perfusus aqua, statim exinctus est, datū
hoc honori baptismi, vt ne eius corpus discer-
peretur, vti erat constitutum, sed mandare-
tur intactum terræ opera nostrorum. Ex eadē
disciplina alter ab initio iam Christianus, ce-
terum pertinax, vt pro Ioanne Hametum se di-
ci vellet, ac feroci vultu cum duceretur per
vias admonita omnia contemneret, tamen cū
esset guttur laqueo elidendum, Christianum
se mori publice testatus est, fassusque de pec-
catis

catis omnibus quantum poterat meminisse,
 veniam ac preces postulans a circumstantibus,
 religiose expiravit. Igne alius erat absumen-
 dus, non debita morte: neque id ignotum no-
 stris. igitur cum de more ornatus educeretur
 de custodia, rem sustineri aliquantulum orant:
 agunt cum altero, qui falsum testimonium di-
 xerat, ut quandoquidem ipse nihilominus præ-
 sentem suspendij penam non effugerat, libera-
 ret animam suam scelere, & innocentem cri-
 mine. ita factum est, ut cum hic se reuocaret
 qui ducebatur ad mortem, cõdemnatus alter
 iniuste, reuocaretur ad vitam. At, publico vr-
 bis valetudinario vnus e nostris sacerdotibus
 operam nauat: diebus festis multi eum sequun-
 tur, nostri, externique viri nobiles: singulis
 mensibus cœna lauta instruitur: posito pallio,
 aperto capite, flexo poplite, sericati homines
 ministrant: quin & certant de purgandis pu-
 trescentibus vulneribus, abstergendisque v-
 tensilibus admixta forde, ad hoc insigne opus
 comparant se omnes per mensem. ipso die par-
 ticipant Christi corpore, & concioni sacerdo-
 tis sui intersunt. ternis præterea hebdomadæ
 diebus sacro Domini Aduentu, & Quadrage-
 sima quaternis, se flagris accipiunt. procu-
 rant iidem commoda proximorum. de merito
 quattuor abductas pecunia sua colloca-
 runt. illud egregium. Cum ex his vna persta-
 ret animo obfirmato, nec admonitis, aut pro-

Vu missis

missis flecteretur, sodales sex (nā hic quoque cœtus Sodalitium vocatur) qui rem tractabant, ibi cum essent, vt exaudiri tantum, non videri a muliere possent, colloqui inter se cœperūt, velle pro multis illius sceleribus aliqua ex parte Deo satisfacere: ac simul flagella insonuere: non citra sanguinem, tum vero dedit femina victas manus, pluris esse intelligens ad persuadendum facta, quā verba. Ceterum, qui passuum trecenta millia cucurrerat delibata cæde vxoris, cum ea iucunde viuit iam mitior factus. Quidam verberatus ab alio totus erat in iniuria reponenda: pacatus tamen est, cum fatagente vno e nostris, satisfecit qui læserat, & postulauit sibi ignosci. restitutum etiam æs alienum multis. denique iuuentus nobis formantibus crescit: excitati videlicet omnes multa industria ac diligentia noui præceptoris, parique doctrina. octo erudiebantur in domestico Seminario. posteriore anno decessit vnus: in eius locum suffecti quinque. tres anno superiore in nostram familiam adlecti: emortuus vnus. Ceterum excursionses aliqua lōgiores fuere. Maritima oppida huius diœceseos tam multa, vt trimestri spatio a sex sacerdotibus obiri omnia ægre potuerint. vt dicam aliquid causa exempli, triginta adita a duobus. quot retexuerint omnem vitam peccata dissoluendo, in tanta multitudine, exacto affirmare numero difficile est: ipsi quidem sacerdo-

cerdotes non audent concipere summas. ex hoc existimetis licet, quæcumque longo vsu integræ religioni obsistebant, aut vitæ, abolita fuisse, vel in contrarium versa. Quidam mulierem ancillam, cum qua sedecim iam annos vixerat (pluribus ex ea liberis susceptis) malo exemplo, adductus est tandem cõsilio nostrorum, vt secum matrimonio coniungeret. Mulier altera oris iuxta improbi, & animi inuerecundi, ætate ac studio in maledicendo exercita, audita concione ita damnauit priorem licetiam suam, vt cum postea audiret prorumpentem alteram in aliorum maledicta, ferre non posset. Quod si tu (inquit) audisses Patres in hoc vitium de superiore loco verba facientes, non ita facile laxares habenas linguæ: ego quidem (quoniam præterita reprehendi magis, quam corrigi possunt) dabo operam, vt quod fugauì semel, nõ redeat. ita rectum iter, quod sero cognouerat, lassâ errando alijs monstrabat. Denique muliercula, quæ tres iam annos a viro, cum præsentì pudicitia vitæque periculo, aberrabat, cum illo in gratiam redit. tantus interea nostrorum labor, vt cesserit alter morbo oppressus. ergo deuolutum pondus in eum, qui restabat: sed defatigationem fructus fallebat, aut vincebat. Itum etiam in oram Alpuxarram, de qua scripsimns (credo) annalibus proximis, eodem Collegio. itaque, quæ pertinent ad cognitionem ocorum, non

Vu 2 repe-

reperentur. sed neque ea, quæ ad Dei gloriam facta: sunt enim cum eo anno communia. Suscepta etiam expeditio in diœcesim Almeriæ: tantusque iniectus ardor animis, vt veluti pro merendæ indulgentiæ, ad detegēdas noxas populi certatim accurrerent, & antelucanis horis se effunderent domo, occupandæ confessio nis: eam vel a primis annis repetierunt numero quingenti. reliqua vos cogitare, quā me dicere, melius puto. excipio hoc vnum. Vir primarius sic oderat sacerdotem, vt neque eius ferret aspectum: gnarum id ciuibus erat, ingratumque: is tamen audita concione ita se flexit, vt coram populo veniam a sacerdote postularit: hic vicissim mutatione illa subita ita permotus animo est, vt exortis lacrimis venientem toto pectore adstrinxerit. Ceterum cum explicuisset noster pro suggestu officia rerum non iniuste contrahendarum, eam incussit multis religionem, vt iniquas pactio nes plerique resciderint, restituerint alij alienum argentum. summa septem aureorum milia attingit. si populorum condicionem consideres & inopiam rerum, grandem pecuniam æstimabis.

COLLEGIVM MONTELLANVM.

BIPERTITA esse huius munera Collegij, vt & instituatur externi iuuenes ad doctrinam,

Strinam, & Tyrones nostri frequentibus exercitijs ad prælia præparentur, admonuimus annis octogefimi octauis: sunt & his tertiani admixti, vt profint exemplo. quamquam illud quoque horum proprium, vt in quattuor templis, diebus quadraginta ieiunij anniuersarij exponant teneriori ætati elementa Christianæ religionis: idem in plateis faciunt compitisque magno fructu. Anno superiore, communis morbi vis, quæ peruasit vniuersam Bæthicam, e nostris fere nemini pepercit: nunc, quid putatis factum in externos? ea Nouitijs, immo domesticis omnibus, qui per valetudinem poterant, occasio exercendæ caritatis. nam Franciscanorum familiæ, cum ad vnum omnes laborarent, nullo subsidio, non postulanti, sed ne suspicanti quidem, octo de nostris præsto affuerunt, qui interdium noctuque ministrarunt ægrotis, donec conualescerent. magnum eo officio captum laborem docuit morbus, qui cum omnes afflixisset, vnum sustulit. quamquam etiam extinctus est alter e laboribus alibi susceptis. De conuenientibus ad nos quotidie vesperi primoribus viris, ac sacerdotibus pluribus piorum causa colloquiorum, scripsimus cõtinenter annis duobus. nunc addo: confluere certis hebdomadæ diebus secundum signum salutationis Angelicæ multos gratia verberationis. E discipulis aliquos pignerauit sibi Deus, e quibus, vtroque anno binos

in Societatem nostram. Præcipue cognitum est
 posteriore anno, quanta sit vis confessionis
 atque Eucharistiæ contra dæmones malos.
 eorum vnus mulieris pudicitiam oppugnare
 ausus diu varijs minis: sed cum muniret se il-
 la Ecclesiasticis sacramentis, victus abscescit.
 ijsdem artibus puella est vsa aduersus eosdem
 insultus. Peregre ibat sacerdos noster, adit ho-
 minem mulier, quæ se dæmoni addixerat: opẽ
 implorat: is confitentem audit: hæc restitutio
 libertatis fuit. Alterá, quia ad nos ventitabat
 causa confessionis, nocturnis timoribus vexa-
 batur: mulcabatur etiam interdum, & per cu-
 biculum raptabatur ab inimico. sed (vt sem-
 per fit) inuocatus in hoc certamine adiutor
 Deus, auctor victoriæ fuit. Peregrinati etiam
 Nouitij de more. hoc siluissim facile cum com-
 munibus, nisi accepissem ab vno persuasum
 homini damnato ad triremes, vt noxas aperi-
 ret. quod ille, nec se fecisse meminerat vmq̃ã,
 & tunc, vt faceret, magna vi adductus est. Ado-
 lescens præterea quidam, totius vitæ malefi-
 cia confessus, admiratus constantiam vnus e
 nostris in iniuria perferenda. Ceterum profe-
 ctus est ad oppida quædam Lusitaniæ finicima
 sacerdos non mediocri fructu. Sodalitates le-
 su nomini dicatas, ad euellendam iurisiuran-
 di consuetudinem, multis locis constituit: ve-
 teres, alias labantes restituit, alias in melio-
 rem statum traduxit. Res domestica aucta an-
 no

no posteriore annuis aureis sexcentenis, oli-
ueto peramplo. In villa sacellum est Deiparae
consecratum: eo confluant festis diebus ad sa-
crum homines ruricolae: erudiuntur de rebus
necessarijs: peccata confitentes audiuntur.

COLLEGIUM MARCENSE.

ARCHOBRIGENSIS Ducis praestatis
erga nos benevolentiam ostendit: nullum enim
praetermittit optime de Collegio merendi lo-
cum. Proxime cum coacta hic essent Patrum
comitia, omnem sumptum prolixè suppedita-
uit. Nec minus studiosus nostri, aut liberalis,
Dux ipse: ad resarciendum templum locuple-
tandumque sacro instrumento pecuniam con-
tulit. benigni etiam fuere ciues Dominorum
exemplo. at nos maximum existimamus qua-
estum memores gratosque cognosci. E mune-
ribus nostris (quantum patitur ingenium loci,
aut desiderat utilitas incolarum) nihil praeter-
missum. Scholas terunt pueri (nimalis infantes
dicere qui prima elementa condiscunt) circi-
ter quadringenti. hoc facilius tenella aetas,
necdum suffecta veneno vlllo, combibit mo-
res pios. cum per vias publicas modeste ince-
dunt concinentes elementa fidei, visuntur, au-
diunturque iucunde: eos secuti aliquando Pa-
ter Prouincialis, ac decem praeterea antiquis-

V u 4 simi

fimi Patres magna oppidum omne lætitia af-
fecere. Puer e Ducis cohorte Societatem am-
biebat: nec impetrauit antea aditum, quam
attulisset Domini assensum. Adita interim vti-
liter loca propinqua. Alter e magistris cum
puerorū agmen duxisset in vicinum oppidum
specimē daturus doctrinæ Christianæ, ita per-
mouit oppidanos, vt filios Marcenam mise-
rint a noltris erudiendos. mox eodem cum re-
uertisset, ludimagistrum abduxit secum ad
nos, vt suū ad munus doctior postea rediret.

COLLEGIVM BAEZZANVM.

INTERMISSVM est docendæ Theolo-
giæ munus (eam duo profitebantur) & immi-
nutus collegarū numerus, āno posteriore, quo,
extruendo Collegio area tandem inuenta est.
substitutus interea vnus qui explicat casus cō-
scientiæ: id tum vtile ciuitati, tum etiam ne-
cessarium: ita frequentes consultores habe-
mus. Magna vtilitas aduersum eos, qui in car-
cere attinentur: sæpe inuisuntur, saltem ter-
tio quoque mense: expurgantur confessione,
refectique cælesti cibo apparatus epulis acci-
piuntur. eorum in primis negotia tractantur
a noltris. Quidā, quod virginem violasset, da-
mnatus erat ad scalmum (habebat enim vxo-
rem domi) dum ducentis attributis aureis sa-
tisfactum violatæ esset: pessime agebarur cum
homine

homine misera magis quam indigna patiente: egit sacerdos noster cum parente mulieris, & vtramque veniam obtinuit, nempe, & supplicij, & aris. Adolescens destinatus erat igni ob maleficium non suum: iamque præmunierat se Eucharistia suscepta. hic quoque (quandoquidem non peribat merita morte) ereptus incendio est. Decurio vir nobilis ne premeretur falso crimine homicidij inani testimonio mulierculæ, de nostrorum consilio detecta fallacia, & sua lux reddita innocentia est. alter homini tenui atque humili filij necem nostris deprecatoribus condonauit. Interim subuentum etiam mulieribus multis. nonnullæ Cœnobijs inclusæ. Vir magna claritudine generis eam dehonestabat, quod suo matrimonio non contentus vxorem alteri detraxisset, cum qua viuebat inspectante ac gemente ciuitate: quin & grauiora suspectabant, eandem scilicet concubinam ac filiam ipsius esse. non Episcopus, non Prætor vrbæ malo remedium adhibere potuerat. sacerdos noster vi mulierem curauit auferri, & in Cœnobium intrusit: mox expiatam criminibus cum marito reconciliauit: adulter iræ atque amoris impotens comparuit sibi alteram, qua solaretur desiderium prioris: hanc etiam noster eripuit, atque extra vrbem seposuit ignaro illo: qui tandem placatus animo se respexit, vt etiam nobis ageret grates conseruatoribus suis: haud mul-

to post confessus apud eundem sacerdotem,
 ex hac vita migravit. De Academia publica,
 & iuuentute, quæ ad ægrotorum procuratio-
 nem, & per flagra afflictationem corporis in
 nostra æde, nostris exemplis prouocatur mo-
 nitisque, cognoscendi cupidos ad binas annu-
 as proximas delegamus. Episcopus Societatis
 amantiſſimus est: nostro in templo concionem
 habuit eo die, quem festum agimus tutelari
 nostro: reconciliari duos coniuges discordan-
 tes nostra opera voluit: & confessiones audiri
 mulierum, quæ proſtigatam vitam cum Mo-
 nasterio commutarunt. hæreticarum causa-
 rum Quæſitor cum huc venit, nobis vsus ad o-
 mnia est. Prætor etiam amicissimo vtimur.
 Ceterum conciones, quarum in templo maxi-
 mo dignatio summa est, ad nos deferuntur.
 Veteres similtates nõ pauca compositæ: mul-
 ti enim recenti memoria beneficiorum Chri-
 ſti antiquas offensiones oblitterarunt. Nobis
 autem elaborata est Crux prægrandis Cryſtal-
 lo atque argento collucens, collectitia ſtipe.

MALACENSE COLLEGIVM.

PUBLICVM Malacæ carcerem inuaſit
 Anno ſuperiore fœda morbi lues, afflixit
 vinctos amplius ſexaginta. varia erat ægrotan-
 tium forma, & multiplex imago mali. iacta-
 bantur æſtu, ardebant doloribus, clamoribus
 alij implebant anguſtias loci, alij alto defixi ſi-
 len

lento veluti obtorpuerant: miseranda rerum
facies, hominūque: plerique nudato fere cor-
pore in nuda iacebant humo semineces, fame,
frigore, morbo cōfecti, præsenti auxilio atque
adeo spe omni destituti, nisi nostri in tempore
occurrissent. igitur stipem ostiatim corrogāt,
stragula cōuehunt culcitasq; cōparant cibos,
fomēta, medicamina, quicquid denique neces-
sarium recreandis corporibus, aut morbo de-
pellendo esset. hæc inter habita animarum
cura, & solatia adhibita ægrotantibus, mo-
rientibusque, confessionibus accipiendis &
opportunitate sermonum. At nostris, in præ-
sens ille fuit laborum fructus, contagio morbi:
quo cum essent multi tentati, cui primæ in eo
munere deferebantur, sacerdos vnus absum-
ptus. Nec minus, anno sequenti, consultum
est custodijs publicis, in sūma caritate corro-
gato ære. Maurus uir clarō genere, qui Regis
iussu huc deductus erat ex Africæ insulis, ve-
nenum ebiberat miscente inimico: porro cū
pelestis hausta grassaretur ad mortem, nostris
adhortantibus veram religionem amplexus,
cum sacro baptismo corporis valetudinem re-
cepit. nec difficilem postea se præbuit aduer-
sus inimicum in vincla coniectum. Visitata
etiam nosodochia, & adiuti ægrotantes: ea in-
te nostrorum pietatem ciues æmulantur. fir-
mati, de more, qui cum morte certarunt. fa-
ctum his annis frequentius, quibus morbi
plures,

plures, ac grauiores fuerunt. sedati Decuriones, quorum iracundia sanguinem sitiebat. E nostris auditoribus decem, in varios religionum cœtus descripti. Flagella Decembri mēte, & ieiunio, maximo, ter singulis hebdomadis vsurpata. Itū ad oppida propinqua vrbi. primū nostrorum aduentum non adeo gratum fecerat oppidanis suspicio (quod erga alios fecerant religiosos) stipis contribuendæ. vbi animaduenterunt se quæri, non sua, usi sunt eorū opera in expiandis criminibus: & iniquis animis tulere discessum.

XERENSE COLLEGIUM.

EA D E M M A L I sœuitia multorum oppressit corpora, & excitauit studia sociorum: vt non expectarent, dum ab ægrotis accerferentur, sed ipsi se sponte offerent. Aditus carcer, auditusq; recreatus est Angelico cibo. vir præcipiti senectute, qui tota uita sacerdoti numquam exposuerat peccata, vt id tandem faceret, magna mole adductus. doctrina Christiana pueris tradita. tricæ multæ expeditæ. A foribus domus viri nobilis auellerat quidam gentilicia insignia, quæ erant affixa, magno motu metuque ciuitatis: vxorem ueneno vir tollere decreuerat: hinc magna familiarum dissidia, cū ipsa rescisset: tres mulieres viris suis se furtim subduxerāt, & ira timebantur: omnibus his malis nostri in tempore occurrerunt. eripuerunt ijdem vnum laqueo,
placa.

placatis inimicis: alterum sagittis, in scelerum pœnam. represserunt etiam alias publicas cædes. Excursum anno priore in oppidum Ximenam, quo numquam alias aliquis nostrorum intulerat pedem. Magna hic diuinarum rerum ignoratio, & (quæ plerumque cõsequitur) corruptela morum. respirare cœpit nostrorum aduentu Pietas, & attollere caput. Nouum gratumque spectaculum præbuere puerorum agmina, cum per uias ducerentur: ijs socios se addebant viri ipsi intectis capitibus, sublatis manibus in cælum, excipientes prima elementa religionis, sacerdote dictante. hæc auxit occasio numerum cofitentium adeo, vt hoc fere officium omne aliud tempus auferret. Sed fallitur perspecta vtilitate sensus laboris. Ceterum naturæ debitum reddidit Pater Michael Perezus, si Societatis annos spectes (decem fuere) præferendus recentibus: si virtutum numeros, cum veteribus cõferendus: omnis eum Clericorum ac religiosorum hominum cœtus amplo funere extulit.

COLLEGIUM GADITANVM.

DV M P V E R I coguntur, vt ediscant capita diuinæ legis, lætantur Gaditani ciues Collegij Rectorem, vel præferentem manibus Crucifixi vexillum, vel rudioem turbam ære cientem, cum alij interea audiētium
pieta-

pietatem cantu accendunt. Urgetur in dies
 ædificatio domus: nec desunt, qui necessitati-
 bus opẽ ferant. quodã die, cum exitum esset
 ad quærítandam stipem, conflati aurei octin-
 genti. Episcopus Prætorque vrbani, cum suis
 vterque consiliariis, valde nos amant. quod &
 facit Præfectus classis. Sacerdotes duo apud
 triremes perpetuo fuere instituendæ nauticæ
 turbæ. et quidẽ mulierculæ exactæ, pranæque
 : consuetudines pestes animorũ: dataque opera,
 vt emeriti pœna soluerẽtur. Medinensiu Dux
 ad fretum Gaditanum magnam habet thynno-
 rum venationem: homines in ea captura occu-
 pantur (præter mercatores qui eo confluunt)
 amplius quingenti. eius rogatu missi sacerdo-
 tes duo, a quibus captores piscium caperen-
 tur. Video hic mentionem fieri Anglorũ, quos
 Pater Personius conuertit ad Catholicam fi-
 dem: vt memorauimus supra Prouincia Ca-
 stellana, Anglicano Collegio. nisi quod cum il-
 lic dicerentur nonaginta, hic (ut magis late-
 ris) excreuit numerus fere ad ducentos. nem-
 pe aucto fructu ex protracta commoratione
 laborantis.

TRIGVERENSE COLLEGIUM.

AD PROMOVENDAM structuram
 templi rogati multi cõtulerunt magnum
 subsidium. sacellum maximum excitatum al-
 tius

tius a terra. adeuntur frequenter oppida vicina. habentur conciones. constitit præcipue fructus in Cænobio feminarum: tanta earum pertinacia vel inscitia, vt non Antistitæ parèdum, non psallendum in choro diurnis nocturnisque horis sibi esse arbitrarentur: quo durior nostrorum prouincia fuit. In Andeualum agrum suscepta expeditio anno posteriore. obita oppida plus viginti. eruditus pro concione populus: auditique confitentes, circiter sexcenti. bis die exposita Christiana doctrina, vt omnibus locus esset, nec quisquam intermitteret opus diurnum incommodo rei familiaris.

VBEDANA, ASTYGITANA, CAZORLANA Sedes.

AD VBEDANI Collegij initia, Iansenem Episcopum scripsi proximis annalibus (dicendus fortasse erat Giennensis) promississe ad quinquennium septem millia: ea anno priore accepi assignata, posteriore accepta: hac lege, vt mille quadringenti ad uectigal annum conferantur. hæc pecunia triticum suppeditabit. Ceterum Episcopus ipse de instituendo Collegio cogitare se haud tert obscure. Nostri suis officijs respondere conantur expectationi ac beneuolentiæ omniū. Cum primarij ciues duo, amplis familijs, dis-

sides.

fiderent odio implacabili, eaque res spectaret ad plurimam eadem, nostrorum dexteritate sic redierunt ad pacem, ut perpurgati confessione iungerent dexteras populo inspectante. Eucharistiae sacramentum in aede nostra locatum, magna pompa, summa gratulatione urbis. tenera aetas instituitur rudimentis fidei. visitantur custodiae publicae, & nosocomia. conciones in omnibus templis a nostris frequentissimae habentur. singulis mensibus publicis sermonibus incitantur auditores omnium disciplinarum, adducunturque ad caelestes epulas preparatione animorum.

IN ASTYGITANA Sede, aedes sacra & supellex commodius instructae, de illata Eucharistia proxime tradidimus. Calendis Ianuarijs anno priore Franciscanorum Coenobiarum cha ecclesiastes insignis, in ea concionatus multa de nobis dixit, quae nostri existimarunt esse, siue argumentum amoris, siue industriae incitamentum. Haberi scholam tres inceptae praevia oratione, tanta cum approbatione omnium, ut exempla passim peterentur. Astygitana porro iuventus sic pietate excellit, ut colaudanda sit potius, quam magnopere excitanda. ciues etiam ipsi cultores plurimum religionis. ex ijs vnus, qui ad nos ventitant, cum a claro viro urgeretur, ut referret gratiam inimico, constantissime abruit: et instanti, si hoc ita abiret, apud homines paruo in pretio

tio fore: satis mihi esse debet (respondit) si Deum non lædam. Ceterum cum expositi infantes pueri periclitarentur, nostrorum opera consensuque Episcopi institutum est Sodalitium ad eos alendos. Sed nostro Collegio ita aucti census, ut fere sint satis foundationi. Stepæ (propinquum oppidum est) commorati mensem sacerdotes duo, cum fructu. Nec minus utilis commoratio Palmæ.

CAZORLAE anno posteriore apertus ludus. domum satis commodam ciuitas dedit: additum uectigal: additus ager: sacramento- rum usus frequens adeo, ut mutati fere sint omnium mores. excurritur, festis diebus, consuetudine perpetua, in proxima oppida duo. Atque, ut uerbo colligam, quæ dispertiri possunt in plurima, nostrorum benefacta & consilia reipublicæ Christianæ procedunt.

